

ՇՆՈՐՀԱՎՈՐ ՆՈՐ ՏԱՐԻ ԵՎ ՍՈՒՐԲ ԾՆՈՒՆԴ

2024-Ը ԽԱՂԱՊՈՒԹՅՈՒՆ, ՍԵՐ ԵՎ ՄԻԱՍՆՈՒԹՅՈՒՆ ԹՈՂ ԲԵՐԻ ՄԵՐ ԵՐԿՐԻՆ ԵՎ ԸՆՏԱՆԻՔՆԵՐԻՆ



«ՅՐԱՏԱՆ» (ՆԱԽԱՐԱՐՈՒՄ) ԹԵՐԹԸ ԼՈՒՅՍ Է ՏԵՍՆՈՒՄ 1920 Թ. ԴԵԿՏԵՄԲԵՐԻՑ № 1 - 2 (17212) ՇԱՐԱԹ 1 ԵՐԿՐԻՇԱԲԹԻ 2024 Թ. ԳԻՆԸ՝ 40 ԹԵԹՐԻ

ԻՐԱԿԼԻ ՂԱՐԻԲԱՇՎԻԼԻ. «2024-Ը ԴԻՄԱՎՈՐՈՒՄ ԵՆՔ ԵՎՐԱՄԻՈՒԹՅԱՆ ԹԵԿՆԱԾՈՒԻ ԿԱՐԳԱՎԻՃԱԿՈՎ, ԵՌԱՊԱՏԿՎԱԾ ԷԿՈՆՈՄԻԿԱՅՈՎ, ՌԵԿՈՐԴԱՅԻՆ ԲՅՈՒՋԵՌՈՎ, ԱՇԽԱՏԱՎԱՐՁԵՐԻ ԵՎ ԿԵՆՍԱԹՈՇԱԿԻ ՆՇԱՆԱԿԱԼԻ ԱՃՈՎ...»

2023-ն արդեն անցյալում է, թողնելով իր բարի հետքը Վրաստանի տարեգրության մեջ: Սոցիալ-տնտեսական ու արտաքին քաղաքական նշանակալի ձեռքբերումներ եւ եվրամիության անդամակցության թեկնածուի կարգավիճակ. պատմական իրադարձություններ, որոնք թույլ են տալիս ակնկալելու, որ 2024-ը արդյունավետ է լինելու Վրաստանի համար:

- Շտապատկված էկոնոմիկա
- Ռեկորդային բյուջե
- Աղքատության եւ գործազրկության մակարդակի ռեկորդային նվազեցում
- Ուսուցիչների աշխատավարձի ավելացում
- Կենսաթոշակների բարձրացում
- Համընդհանուր առողջապահության ծրագրի ակտիվացում

(Շարունակությունը՝ 2-րդ էջում)



«ՎՐԱՍՏԱՆ»-Ի ԽՄԲԱԳՐՈՒԹՅԱՆԸ



Թանկագին բարեկամներ. Ի սրտե շնորհավորում եմ «Վրաստան» թերթի աշխատակիցներին, բազմահազար ընթերցողներին՝ Սուրբ Ծննդյան եւ Նոր տարվա կապակցությամբ: Ձերն զգացմունքներով մաղթում եմ, որ 2024 թվականը նշանակալի փուլ դառնա ոչ միայն ժողովրդավարական Վրաստանի շինարարության, այլև մեզանից յուրաքանչյուրի ընտանիքի բարեկեցության հաստատման գործում:

Համոզված եմ, որ 2024 (Շարունակությունը՝ 2-րդ էջում)

ՇՆՈՐՀԱՎՈՐ ՆՈՐ ՏԱՐԻ



Ի սրտե շնորհավորում եմ «Վրաստան» թերթի խմբագրության եւ թերթի հավատարիմ ընթերցողների Ամանորը: Թող Նոր 2024-ը դառնա խաղաղության, կայունության, առաջընթացի եւ նոր ձեռքբերումների տարի ձեզ եւ Համայն Վրաստանի համար: «Վրաստան» թերթի առաքելությունն ու այսօրվա միավածությունն առնչվում է Վրաստանի պատմական ձեռքբերմանը՝ մեր երկրի ազգային բազմերանգ հասարակայնու-

(Շարունակությունը՝ 2-րդ էջում)

«ՎՐԱՍՏԱՆ» ԹԵՐԹԻ ԳԼԽԱՎՈՐ ԽՄԲԱԳԻՐ



ՎԱՆ ԲԱՅԲՈՒՐԹՅԱՆԻՆ Հարգելի պարոն Բայբուրյան:

Սրտանց շնորհավորում եմ Ամանորի եւ Սուրբ Ծննդյան առիթներով, հավատով եւ նոր իղծերով մուտք գործենք Նոր տարի:

Այս օրերին «Վրաստան» թերթը նշեց իր լույսընծայման 103-րդ ամյակը:

Պարբերական, որն արդեն մեկ դարից ավելի ստանձնել է հայ ու վրաց եղբայր- (Շարունակությունը՝ 2-րդ էջում)

ՍԵՐ ԵՎ ԵՐԱՆԿՈՒԹՅՈՒՆ ԶԵՋ ԵՎ ԶԵՐ ԸՆՏԱՆԻՔՆԵՐԻՆ



Թանկագին «Վրաստանցիներ». Ի սրտե շնորհավորում եմ Ամանորի եւ Սուրբ Ծննդյան տոների առիթներով: Թող 2024-ը երջանկություն, սեր, բարեկեցություն բերի ձեզ եւ ձեր ընտանիքներին: Իսկ մեր սիրելի «Վրաստանին»՝ հարատևություն:

Սիրելի «Վրաստանցիներ», ձեր 103-ամյա թերթի միջոցով ցանկանում եմ իմ ամանորյա մաղթանքները հղել իմ շատ սիրելի ախալքալաքցիներին եւ հինոծմինդացիներին: Սիրելի հայրենակիցներ, ջերմորեն շնորհավորում եմ ձեր Նոր տարին եւ Սուրբ Ծնունդը: Հուսով եմ, որ 2024 թվականն առանձնակի բարօրություն կբերի մեր երկրամասի բնակիչներին, կդառնա լիառատ բերքի, արդյունավետ գործարքների, անձնական երազանքների իրականացման տարի:

ՍԱՍՎԵԼ ՄԱՆՈՒԿՅԱՆ

Ախալքալաքիից եւ Նինոծմինդայից Վրաստանի խորհրդարանի մեծամասնական պատգամավոր

ՇՆՈՐՀԱՎՈՐ ԱՄԱՆՈՐ ԵՎ ՍՈՒՐԲ ԾՆՈՒՆԴ



Եւ նպատակադրված կարողանա՞նք աշխատել ու բարգավաճել:

Թող 2024 թվականը կայուն տարի լինի բոլոր առումներով: Լցվենք հույսով ու հավատով: Հույսի ու հավատի հիմքով պետք է կարողանանք իրագործել այն բոլոր ծրագրերն ու նպատակները, որոնք դեռ առջեւում են եւ պետք է ավարտենք այն գործերը, որոնք ինչ-ինչ պատճառներ- (Շարունակությունը՝ 2-րդ էջում)

ՎԻՐԱՅՈՒՅՈՒՆ ԹԵՄԻ ԱՌԱՋՆՈՐԴԻ ՇՆՈՐՀԱՎՈՐԱՆԸ



Վիրահայոց թեմի հոգեւոր դասի ու պաշտոնության անունից շնորհավորում եմ «Վրաստան» թերթի խմբագիր Վան Բայբուրյանին, խմբագրության անխոնջ աշխատակազմին եւ թերթի հազարավոր ընթերցողներին՝ Ամանորի եւ Սուրբ Ծննդյան լուսավոր տոների առիթներով:

Հավատացած եմ, որ Վիրահայոց թեմի, Վրաստանի հայկական օջախների լավագույն բարեկամը՝ 103-ամյա «Վրաստանը», այսուհետ եւս կշարունակի իր առաքելությունը՝ ի նպաստ ազգային մեր արժեքների եւ հայ-վրացական հազարամյա բարեկամության պահպանման ու զարգացման:

Աղոթում եմ հանուն խաղաղության եւ բարօրության, հանուն Վրաստան, Հայաստան մեր հայրենիքների, հանուն մարդկանց, ազգերի ու պետությունների բարեկամության:

Տեր Կիրակոս եպիսկոպոս Դավթյան Առաջնորդ Վիրահայոց թեմի



ԻՐԱԿԼԻ ՂԱՐԻԲԱՇՎԻԼԻ. «2024-Ը ԴԻՄՎՈՐՈՒՄ ԵՆՔ ԵՎՐԱՄԻՈՒԹՅԱՆ ԹԵԿՆԱԾՈՒԻ ԿԱՐԳԱՎԻՃԱԿՈՎ, ԵՌԱՊԱՏԿՎԱԾ ԷԿՈՆՈՄԻԿԱՅՈՎ, ՌԵԿՈՐԴԱՅԻՆ ԲՅՈՒՋԵՏՈՎ, ԱՇԽԱՏԱՎԱՐՁԵՐԻ ԵՎ ԿԵՆՍԱԹՈՇԱԿԻ ՆՇԱՆԱԿԱՆԻ ԱՃՈՎ...»

(Սկիզբը՝ 1-ին էջում)

ՎՐԱՍՏԱՆԸ՝ ԵՎՐԱՄԻՈՒԹՅԱՆ ԱՆՊԱՏՈՒԹՅԱՆ ԹԵԿՆԱԾՈՒ

«Վրացական երազանքի» կառավարման օրոք, սկսած 2012 թվականից, կոնկրետ քայլեր ձեռնարկվեցին Եվրամիության եւ Եվրատվամայան ալյանսին մերձեցնելու ուղղությամբ: «Վրացական երազանքի» կառավարման օրոք ստորագրվեցին Եվրամիության հետ ասոցացման համաձայնագիրը, ազատ առևտուր եւ անայցեգրային պայմանակարգ համաձայնագրերը, իսկ 2023-ի եզրագծին հաստատվեց թեկնածուի կարգավիճակը:

ԵՌԱՊԱՏԿՎԱԾ ԷԿՈՆՈՄԻԿԱՆ ԵՎ ՌԵԿՈՐԴԱՅԻՆ ԲՅՈՒՋԵՏՆ՝ ԲԱՐԵԿԵՑՈՒԹՅԱՆ ԳՐԱՎԱԿԱՆ

Վերջին 11 տարիների ընթացքում՝ երկրի էկոնոմիկան եռապատկվեց: 2012 թվականի 8 միլիարդ 465 միլիոնի դիմաց՝ 2024 թվականի բյուջեն կազմում է

28 միլիարդ 700 միլիոն լարի:

2024-ին Համախառն ներքին արտադրանքի ծավալը կազմեց հասցվելու է 86 միլիարդ լարիի: ՀՆԱ-ից մեկ շնչին բաժին ընկնող գումարը 2024-ին կհասցվի 8500 դոլարի:

ԱՂՔԱՏՈՒԹՅԱՆ ԵՎ ԳՈՐԾԱԶՐԿՈՒԹՅԱՆ ՍԱԿԱՐԴԱԿԻ ՆՎԱՋԵՑՈՒՄ

2012 թվականի 30 տոկոսի դիմաց աղքատության մակարդակը հասցվել է 15,6 տոկոսի, իսկ 2012-ին գործազրկության մակարդակի 27 տոկոսի փոխարեն, այսօր վավերացվել է 16,7 տոկոս: Միայն 2022-2023 թվականներին երկրում ստեղծվել է գրեթե քառորդ միլիոն նոր աշխատատեղ:

500 ԵՎ ԱՎԵԼԻ ԼՈՐԻԻ ՀԱՎԵԼԱՎՈՐՈՒՄ ՈՒՍՈՒՑԻՉՆԵՐԻՆ

2024 թվականի հուլիսի 1-ից ուսուցիչների աշխատավարձը կբարձրացվի մինչև 500 եւ ավելի լարիով: Այս նպատակով

կով բյուջեից հատկացվել է 160 մլն լարի, իսկ աշխատավարձը կկազմի 1700-1800 լարի եւ բարձր: 2012 թվականի համեմատությամբ, ուսուցչի միջին աշխատավարձը արդեն բարձրացել է 270 տոկոսով եւ կազմում է 1230 լարի:

ԿԵՆՍԱԹՈՇԱԿՆԵՐԻ ԱՎԵԼԱՑՄԱՆ ԳՈՐԾԵՆԹԱՑԸ ՀԱՐՈՒՆԱՎՈՐՈՒՄ Է

2024 թվականի հունվարի 1-ից 70 եւ ավելի տարիքի մարդկանց կենսաթոշակը կավելացվի 50 լարիով եւ կհասցվի 415 լարիի, իսկ բարձրալեռ բնակավայրերի 70 եւ ավելի տարիքի մարդկանց կենսաթոշակը կհասցվի գրեթե 500 լարիի: Մինչեւ 70 տարեկանների կենսաթոշակը կկազմի 315 լարի, նույն տարիքի բարձրալեռ գոտու բնակիչներին՝ 380 լարիի:

ՀԱՄԵՆԴԱՆՈՒ ՍՈՐԻՉԱՊԱՅՈՒԹՅԱՆ ԾՐԱԳԻՐԸ ԳՈՐԾՈՒՄ Է

Համընդհանուր առողջապահության ծրագրից արդեն օգտվել է շուրջ 3 միլիոն

քաղաքացի, 11 միլիոնից ավելի բուժօգնության համար վճարվել է ավելի քան 7 միլիարդ լարի: Դեղորայքի գների նվազեցման արդյունքում բնակչությունը կարողացավ տնտեսել շուրջ 400 միլիոն լարի:

ԵՆԹԱԿԱՐՈՒՅՑԱՅԻՆ ԼԱՅՆԱԾԱՎԱԼ ՆԱԽԱԳԾԵՐ

Վերջին 11 տարիների ընթացքում, ողջ երկրի տարածքով, տարբեր նշանակության, ընդհանուր առմամբ 16 հազար կիլոմետր ճանապարհների շինարարության վերանորոգման համար, ծախսվել է 13 միլիարդ 600 միլիոն լարի: 2012-2023 թվականներին Վրաստանի տարածաշրջաններում կառուցվել է 10800 կիլոմետր մուկիցիպալային ճանապարհ, ինչի համար ծախսվել է 3 միլիարդ 300 միլիոն լարի: 2015-2023 թվականներին կառավարության կողմից ֆինանսավորվել են 12 հազարից ավելի փոքր եւ միջին գործարարության 9 հազարից ավելի բիզնես-նախագծեր:

«ՎՐԱՍՏԱՆ»-Ի ԽՄԲԱԳՐՈՒԹՅԱՆԸ

(Սկիզբը՝ 1-ին էջում)

թվականին էլ «Վրաստան» թերթը պատվով կշարունակի մայրենի լեզվով Վրաստանի ազգությամբ հայ բնակչությանը Վրաստանում տեղի ունեցող իրադարձությունների, գործադիր ու օրենսդիր մարմինների կայացրած որոշումների, Վիրահայ համայնքի կյանքի առօրյայի մասին սպառնիչ տեղեկատվության փոխանցման, վրացի եւ հայ ժողովուրդների դարավոր բարեկամության ամրապնդման ու նորացման գործում իր պատվավոր առաքելությունը:

ԹԵՄԱ ԾՈՒՆԴՈՒՄ

Վրաստանի փոխվարչապետ, մշակույթի, սպորտի, երիտասարդության նախարար

ՇՆՈՐՀԱՎՈՐ ՆՈՐ ՏԱՐԻ

(Սկիզբը՝ 1-ին էջում)

թյան փոխադարձ հարգանքի վրա հիմնված համագոյակցության բազմադարյա փորձը եւ աջակցությունը քաղաքացիական ինտեգրման պետական քաղաքականության շրջանակներում մեր կողմից առաջադրված առաջնահերթության հետ:

Համոզված եմ, որ թերթն առաջիկայում էլ կզարգացնի իր գործունեության ասպարեզը եւ հաջողությամբ կշարունակի մեր՝ ազգությամբ հայ

համաքաղաքացիների տեղեկատվային մեկտրայա ավանդույթը, ինչն առնչվում է մեր երկրի ազգային բազմերանգ հանրության հզորացմանը:

Մաղթում եմ առողջություն, բարեկեցություն եւ հաջողություններ՝ վերոնշյալ նպատակներին հասնելու ճանապարհին:

ԹԵՄԱ ԱՆՎԵԼԻՄԻՆԻ

Վրաստանի հաշտեցման եւ քաղաքացիական իրավահավասարության հարցերով պետական նախարար

ՇՆՈՐՀԱՎՈՐ ԱՄԱՆՈՐ ԵՎ ՍՈՒՐԲ ԾՆՈՒՆԴ

(Սկիզբը՝ 1-ին էջում)

րով չիրականացան 2023 թվականին:

Թող, որ գալիք տարին լինի արդար որոշումների ու վճռումների տարի: Մաղթում եմ համբերություն, սեր, երջանկություն: Սիրեք միմյանց ու եղեք զիջող մեկմեկու նկատմամբ:

Թող, որ 2024 թվականը լինի խաղաղության տարի, թող մեր մանուկների ուրախ ճիչն ու ծիծաղը հառնի ի երկինք: Թող երիտասարդ սերունդն ամուր կանգնի իր հողի վրա եւ գոտեպնդվեն իրենց

արդար ու զեղեցիկ երազանքները: Եվ ամենակարեւոր ցանկությունս այն է, որ յուրաքանչյուր տարեվերջի ամփոփման ժամանակ հասկանանք ու համոզվենք, որ անցնող տարին եղել է վերելքի ու ձեռքբերումներիով հագեցած տարի, եւ վստահորեն հավատանք, որ գալիք տարին կլինի նախորդից առավել:

Կրկին ու կրկին շնորհավոր Ամանոր եւ Սուրբ Ծնունդ:

ՍՄԲՍ ԿՅՈՒՐԵՂԱՆ

Վրաստանի խորհրդարանի համամասնական պատգամավոր

ՀՈՒՍՈՎ ԵՆՔ, ՈՐ ԱՅՍ ՏԱՐԿԱ ԱՇԽԱՆԸ ԿԲԱՐՁՐԱՆԱՔ ՄԵՐ ՀԱՐԱՋԱՏ ԹԱՏՐՈՆԻ ՆՈՐԱՎԱՐՈՒՅՑ ԲԵՄ՝



2023-ը իմ կյանքում իր բարի եւ անմոռաց հետքն է թողնելու: Բավական հագեցած ու հարուստ տարի էր: Ավարտեցի Թբիլիսիի Շ.Ռուսթավելու անվան կինոյի եւ թատրոնի պետական համալսարանի ռեժիսուրայի ֆակուլտետի մագիստրատուրան: Արդեն աշնանը կայացավ իմ բեմադրմամբ առաջին Յասնինա Ռեզայի «Արտ» ներկայացումը: Երկու օր անց, մարմնավորեցի իմ գործընկերոջ՝ Արտուր Գասպարյանի բեմադրմամբ, Սլավոմիր Մրոժեկի «Բաց ծովում» ներկայացման մեջ գլխավոր դերերից մեկը: Մեր հարազատ թատրոնի, նոր շենքի կառուցման ընթացքը բնավ չխանգարեց լինել զբաղված ողջ տարվա ընթացքում: Մենք հյուրախաղերով ներկայացանք Երեւանում, Հրազդանում, իսկ իմ սիրելի՝ Նոդար Դուս-

բաժեի «Մեղադրական եզրակացություն» (բմբ: Արմեն Բայանդուրյան) ներկայացմամբ հանդես եկանք Վրաստանի Սենակի, Սիդնադի, Բոլնիսի եւ այլ քաղաքներում:

Ինչ վերաբերում է 2024-ին, ապա առաջնահերթության սպասելիքներն ամենից առաջ կապվում են թատրոնի նոր շենքի բացման հետ: Հուսով եմ, որ այս տարի, աշնանը կկայանա մեր նոր շենքի հանդիսավոր բացումը:

Ցավոք, աղանջանցիներիս ներկա սերնդից շատերը ու այդ թվում՝ ես, մեկ անգամ, կամ ընդհանրապես չենք բարձրացել մեր հին շենքի թատրոնի պատմական բեմ: Սպասենք հույսով ու հավատով:

Առաջնահերթության շնորհավոր ենք «Վրաստան» թերթի ընթերցողների, մեր սիրելի հանդիսատեսի, վրաց ժողովրդի Ամանորն ու Սուրբ Ծնունդը:

ԴԱՎԻԹ ԲԱՐՍԵՂՅԱՆ

Թբիլիսիի Պետրոս Աղանյանի անվան պետական հայկական դրամատիկական թատրոնի դերասան

«ՎՐԱՍՏԱՆ» ԹԵՐԹԻ ՂԵԽԱՎՈՐ ԽՄԲԱԳԻՐ ՎԱՆ ԲԱՅԲՈՒՐԹՅԱՆԻՆ

(Սկիզբը՝ 1-ին էջում) րական ժողովուրդներին կամրջողի շնորհակալ եւ խիստ անհրաժեշտ առաքելությունը: Վրաստանն առավել քան կարելու նշանակություն ունի Հայաստանի համար ոչ միայն որպես հարեւան ու բարեկամ երկիր, այլեւ հայ արվեստի, գրականության ու մամուլի ծաղկուն շրջաններից մեկի կենսատու օջախ, որի հարուստ ժառանգության մասնիկներից մեկն էլ «Վրաստան» թերթն է: Միաժամանակ, շաբաթաթերթը արժեքավոր է Վրաստանի՝ իբրեւ պատմական ու բազմազգ երկրի համար: Եվ վերջապես, լինելով հայագիր, «Վրաստան» թերթը վիրահայության համար մայրենիին մոտ լինելու հնարավորություններից մեկն է:

Պարոն Բայբուրյան, որպես փորձառու ու երկարամյա խմբագիր, «Վրաստան» թերթի երկարակյացության կարելու պյուններից մեկը Դուք եք, ում քայլերը մշտապես ուղղված են հայ-վրացական բարեկամական կապերի ամրապնդման ու զարգացմանը: Հերթական տարեդարձի առիթով շնորհավորում եմ Ձեզ, խմբագրության ներկա աշխատակազմին, իհարկե, հարգելով բոլոր նախորդների մեծարժեք ներդրումը թերթի պահպանման գործում:

Թող, որ, պարբերականի ընթացքը երբեք չդադարի եւ յուրաքանչյուր Ամանորի եւ Սուրբ Ծննդյան նախաշնչին՝ դեկտեմբերի 20-ին, ավետվի հաջորդ տարվա շարունակելիությունը:

Լավագույն բարեմաղթանքներով՝

ԱՇՈՏ ՍՄԲՏՅԱՆ

Վրաստանում Հայաստանի արտակարգ եւ լիազոր դեսպան

ՄԵԶ ՇՆՈՐՀԱՎՈՐՈՒՄ ԵՆ

«ՎՐԱՍՏԱՆ»-Ի ՄԵԾ ԴԵՐԸ

Անկեղծ սրտով շնորհավորում եմ Վրաստանի հայալեզու «Վրաստան» թերթի հիմնադրման 103-րդ տարեդարձը: Պարբերականը՝ սկսած 1920 թվականից մինչ օրս, Վրաստանի հայագիր բնակչությանը լիարժեք եւ օբյեկտիվ տեղեկատվություն է փոխանցում Վրաստանի քաղաքական, սոցիալ-տնտեսական եւ մշակութային կյանքի մասին, նպաստում՝ Վրաստանի հայկական համայնքի ազգային ինքնության պահպանմանն ու միաժամանակ Վրաստանի հանրությանը վիրահայ համայնքի ինտեգրմանը:

Անգնահատելի է «Վրաստան» թերթի դերը վրաց-հայկական փոխհարաբերությունների ամրացման եւ մեր տարածաշրջանում խաղաղության ու կայունության հաստատման գործում: Հավետ երիտասարդ թերթը իր հավատարիմ ընթերցողներին բազմիցս ապացուցել է, որ վրաց եւ հայ ազգերի միջեւ փոխադարձ սերը, փոխվստահությունն ու փոխադարձ հարգանքը այլընտրանք չունի:

ՆԻՆՈ ԱՓՅԻՆՈՒՐԻ

Հայագետ, պատմության ակադեմիական դոկտոր, ԹՊՀ-ի գիտական աշխատակից, 2003-2019 թվականներին Հայաստանում Վրաստանի դեսպանության խորհրդական



«Վրաստան» թերթի առաջին համարի լույսընծայման 103-րդ տարեդարձի կապակցությամբ՝ թերթի աշխատակիցներին շնորհավորել եմ «Սաքարթվելոս Ռեսպուբլիկա», «Կվիրիս պալիտրա» պարբերականները, Հայաստանի «ԱՐՄԵՆՊՐԵՍ» տեղեկատվական գործակալությունը:

Շնորհավորական ուղերձում նշված է, որ «Վրաստան» թերթը՝ սկսած 1920 թվականից, հավատարիմ իր սկզբունքներին, հաջողությամբ անցավ տարիների փորձության միջով եւ այսօր արժանապատվորեն շարունակում է իր պատմական առաքելությունը, նպաստում է, դեռելու պետական լեզուն լիարժեքորեն չորհրդապետող, Վրաստանի ազգությամբ հայ քաղաքացիների մայրենի լեզվով երկրի մասին մանրամասն տեղեկատվության փոխանցմանն ու երկու եղբայրական ժողովուրդների միջեւ ավանդական բարեկամության ամրապնդմանը:

Շաբաթից շաբաթ. Փաստեր եւ իրադարձություններ

ՀԱՂՈՐԳՈՒՄ ԵՆ «ՎՐԱՍՏԱՆԻ» ԵՎ ԼՐԱՏՎԱԿԱՆ ԳՈՐԾԱԿԱԼՈՒԹՅՈՒՆՆԵՐԻ ԹՂԹԱԿԻՑՆԵՐԸ

ՇՆՈՐՀԱՎՈՐԱՆՔՆԵՐ ԿԱԹՈՒԿՆԵՐԻՆ՝ ՍՈՒՐԲ ԾՆՆԴԱՆ ՕՐՎԱ ԱՌԻԹՈՎ

Վրաստանի վարչապետ Իրակլի Դարիբաշվիլին, նախագահ Սալոմե Ջուրաբիշվիլին Սուրբ Ծննդյան տոնը շնորհավորում են բոլոր նրանց, ովքեր նշում են այն ղեկստեղծների 25-ին: «Թող այս օրը ձեզ եւ ձեր ընտանիքներին բերի խաղաղություն, երջանկություն եւ բարեկեցություն», - ասված է վարչապետի շնորհավորական ուղերձում:

ԱՄԱՆՈՐՅԱ ՈՉ ԱՇԽԱՏԱՆՔԱՅԻՆ ՕՐԵՐԸ ԱՎԵԼԱՑԵԼ ԵՆ

Վրաստանի վարչապետ Իրակլի Դարիբաշվիլու որոշմամբ՝ հունվարի 3-ից հունվարի 5-ը ոչ աշխատանքային օրեր են հայտարարվել: Որոշման համաձայն՝ արձակուրդը սկսվում է շաբաթ օրը՝ ղեկստեղծների 30-ին, եւ ավարտվում երկուշաբթի՝ հունվարի 8-ին, ընդ որում, վարչական մարմիններն իրենք են որոշում այն աշխատողների ցանկը, որոնց վրա չի տարածվելու նոր որոշումը:

ՏԱՐԵՂԱՐԶ



ԻԼԻԱ ԵՐԿՐՈՐԴ. «46 ՏԱՐԻՆ ՏԱՆՁԱՆՔՆԵՐԻ ՏԱՐԻՆԵՐ ԷԻՆ, ԲԱՅՑ ԱՅՍ ՏԱՆՁԱՆՔԸ ՈՒՐԱԽԱԼԻ ԷՐ»

Ղեկստեղծների 25-ին լրացավ Համայն Վրաստանի Կաթողիկոս-Պատրիարք Իլիա Երկրորդի գահակալության 46-րդ տարեդարձը:

Օրվա առիթով Թբիլիսիի Սիոնի տաճարում անցկացվող հանդիսավոր պատարագին, Սրբազնագույն եւ Երանաշնորհը, հանրագումարելով 46-ամյա գահակալությունը, հայտարարեց, որ 46 տարին տանջանքի տարիներ էին, բայց այս տանջանքը ուրախալի էր, մենք զորացանք Աստծո օրհնությամբ եւ ձեր սիրով:

- Քրիստոսի կողմից սիրելի մեր իռզեւոր գավակներ, 46 տարի տանջանքի տարիներ էին, բայց այս

տանջանքը ուրախալի էր: Աստծո օրհնությունը զորացրեց մեզ եւ ձեր սերը: Մենք շնորհակալ ենք ձեր սիրո համար: Աստված մեզ հետ է,- ասաց Պատրիարքը:

Համայն Վրաստանի Կաթողիկոս-Պատրիարքին, գահակալության 46-րդ տարեդարձի առիթով, իրենց շնորհավորանքներն են հղել Վրաստանի վարչապետ Իրակլի Դարիբաշվիլին, նախագահ Սալոմե Ջուրաբիշվիլին, խորհրդարանի նախագահ Շավլա Պապուաշվիլին, Թբիլիսիի քաղաքապետ Կախա Կալաձեն, պաշտոնական այլ անձինք:

ՓԱՆՏԱՏՈՒՄ

ՊԱՐԳԵՎԱՏՐՎԵՅ ՆԻՆՈՇՄԻՆԴԱՅԻ ՔԱՂԱՔԱՊԵՏԸ



Վրաստանի խորեոգրաֆիայի ազգային կենտրոնը Նինոծմինդայի մունիցիպալիտետի քաղաքապետ Անի Մոսոյանին շնորհակալագրով պարգևատրեց:

Շնորհակալագիրը Նինոծմինդայի քաղաքապետին շնորհվեց քաղաքապետարանում վրացական պարավեստի զարգացման գործում ներդրած ավանդի համար:



ԲԱԹՈՒՄՅԻ ՄԵՅՐԱՆ ԲԱՐՈՅԱՆԸ՝ «ՀԱՅՈՂԱԿ ԼՈՒՍԱՆԿԱՐԻՉ» ՄՐՅԱՆԱԿԻ ՂԱՓՆԵԿԻՐ

Ղեկստեղծների 8-ին, Բաթումի երաժշտական կենտրոնում, անցկացվեց «Տարվա լավագույն արվեստագետ» մրցանակաբաշխությանը Աջարիայի Ինքնավար հանրապետության կրթության, մշակույթի եւ սպորտի նախարարության կողմից Աջարիայի մշակույթի ոլորտում նշանակալի ներդրման համար «Հաջողակ լուսանկարիչ» անվանակարգում մրցանակի արժանացավ Բաթումի լավագույն լուսանկարների, Բաթումի մասին երկու ֆոտոգրքի եւ բացիկների շարքի հեղինակ Սեյրան Բարոյանը:

Բաթումիում Հայաստանի գլխավոր հյուպատոս Նարինե Մաթոսյանը, «Վրաստան» թերթի խմբագրությունը շնորհավորում են Սեյրան Բարոյանին՝ մաղթելով առողջություն եւ նոր հաջողություններ ստեղծագործական կյանքում:



ՆԻՆՈՇՄԻՆԴԱՅԻ ՍԱՐՈ ՂԱՐՍԼԱՆԸ՝ «ԻՄԵՂԻԻ» «ՓՐԱՅՄ ՀՈՈՒ»-Ի ՄՐՅԱՆԱԿԱԿԻՐ

Նինոծմինդա քաղաքից Սարո Ղարսլանը մասնակցել է Թբիլիսիի «Իմեղի» հեռուստաալիքի «Prime Show» ծրագրին եւ զբաղեցրել առաջին տեղը:

«Prime Show» ծրագրին մասնակցել են 70 տարեկանից բարձր ավելի քան 70 տղամարդիկ եւ կանայք՝ Վրաստանի տարբեր շրջաններից: Ցուցադրությանը Նինոծմինդա քաղաքը ներկայացնում էր Սարո Ղարսլանը, ով կատարեց մի համար՝ դիոլի վրա եւ գրավեց առաջին մրցանակը՝ շահելով 1000 լարի:

- Առաջին տեղի համար հատկացվել էր 2000 լարի: Ես եւ մեկ այլ վրացի կատարող ստացանք միայն միավորները եւ, համապատասխանաբար, առաջին մրցանակը բաժանեցինք «պապիկների» միջեւ: Նա մույնպես շատ լավ երգեց ու գերազանց հանդես եկավ: Իսկ «տատիկների» մեջ՝ մրցանակ վերցրեց 87-ամյա մի կին, նա հիմնալի դաշնամուր նվագեց, - ասաց Սարո Ղարսլանը եւ հավելեց, որ մի քանի օրից «Իմեղի»-ն կհրապարակի ամբողջական հաղորդումը, եւ հեռուստադիտողներն իրենք կկարողանան դիտել տատիկ-պապիկների կատարումները:



ՏԱՐԱԾԱՇՐՋԱՆ

ԱՄԱՆՔԱՆՔԻ ԲԱՇՄԱԲՆՈՒՅԹ ԺԱՄԱՆԱՅԻՆ ՏՐԱԳՐԵՐ՝ ԱՄԱՆՈՐՅԱ ՏՈՆԻՆ



Ղեկստեղծների 25-ին, Վրաստանի կառավարության վարչակազմի նախաձեռնությամբ, Ախալքալաքի կենտրոնական զբոսայգում անցկացվեց ամանորյա միջոցառում:

Կազմակերպվել է Սուրբ Ծննդյան տոնավաճառ, տեղական արտադրանքի ու ձեռագործ աշխատանքների ցուցահանդես-վաճառք: Երեխաների համար հատկացվել է հատուկ ժամանցային տարածք, որտեղ նրանք կարող էին մասնակցել տարբեր ներկայացումների եւ ժամանցային ծրագրերի: Ձմեռ պապին նվերներ է նվիրել երեխաներին:

Ախալքալաքիում անցկացված ամանորյա միջոցառմանը մասնակցեցին Ախալքալաքի եւ Նինոծմինդայից Վրաստանի խորհրդարանի մեծամասնական պատգամավոր Սամվել Մանուկյանը, Ախալքալաքի մունիցիպալիտետի քաղաքապետ Մելքոն Մակարյանը, սակրեբուլոյի նախագահ Նաիրի Իրիցյանը:

Հյուրերի բարձր տրամադրության համար հոգացել է միջոցառմանը կազմակերպված դիմակահանդեսային երթը: 2024 թվականի ամանորյա միջոցառումն ավարտվեց մեծ հրավառությամբ:

ՆԻՆՈՇՄԻՆԴԱ ԱՄԱՆՈՐՅԱ ՄԻՋՈՅԱՌՈՒՄՆԵՐԸ ՄԵԿՆԱՐԿԵՅԻՆ «ԱՅՈՍ-ԲԱՐՈՒՍ» ԶԲՈՍԱՅԳՈՒՄ



Վրաստանի վարչապետի նախաձեռնությամբ, ղեկստեղծների 24-ին, Նինոծմինդայում, «Հայոս եւ Քարթլոս» զբոսայգում, հանդիսավոր կերպով վառվեցին քաղաքի գլխավոր տոնածառի լույսերը:

Կենտրոնական փողոցներն ու հրապարակները լուսավորվեցին ամանորյա լուսավորությամբ:

Նինոծմինդայի քաղաքապետարանին, Վրաստանի կառավարության վարչակազմի որոշմամբ, ամանորյա լուսավորություն եւ զարդարանքներ են նվիրվել:

Տոնական միջոցառումը, «Հայոս եւ Քարթլոս» պուրակում, բացվեց «Մշակույթի տան» պարային համույթի ելույթով: Միջոցառմանը, տեղացիների հետ միասին, ներկա էին Վրաստանի խորհրդարանի պատգամավոր Սմբատ Կյուրեղյանը, Նինոծմինդայի մունիցիպալիտետի քաղաքապետ Անի Մոսոյանը, սակրեբուլոյի նախագահ Վահան Արոյանը եւ տեղական ինքնակառավարման ներկայացուցիչներ:

Ամանորյա միջոցառումն ավարտվեց գալա համերգով եւ տոնական հրավառությամբ:

ԱՄԱՆՈՐՅԱՆ ՎԱՌՎԵՅԻՆ ՄՈՒՆԻՅԻՊԱԼԻՏԵՏԻ ՎԻՍԱՎՈՐ ՏՈՆԱՏՈՒԻ ԼՈՒՅՍԵՐԸ



Ղեկստեղծների 25-ին, Ախալքալաքի կենտրոնական հրապարակում, վառվեցին մունիցիպալիտետի գլխավոր տոնածառի լույսերը: Միջոցառումն իրականացվեց Վրաստանի վարչապետի նախաձեռնությամբ:

Պաշտոնական լուսավորություն անցկացվեց տոնական համերգ, որի ընթացքում, ախալքալաքից հեռավոր նախատոնական տրամադրության բարձրացման համար, տեղական ստեղծագործական խմբերի հետ միասին, մասնակցեցին վրացական էստրադայի ծանաչված ներկայացուցիչներ:

Տոնական միջոցառմանը ներկա էին Սամվել-Ջավախեթի տարածաշրջանային վարչության, տեղական ինքնակառավարման մարմինների եւ հասարակական կազմակերպությունների ներկայացուցիչներ: Մասնակիցներին ողջունեցին Սամվել-Ջավախեթի տարածաշրջանի պետական լիազոր Բեսիկ Ամիրանաշվիլին, Ախալքալաքի մունիցիպալիտետի քաղաքապետ Իրակլի Լազարաշվիլին եւ սակրեբուլոյի նախագահ Դավիթ Լոմիձեն:

Պատրաստեց ԱՐԵՎԻԿԱ ՄԱՆՈՒԿՅԱՆԸ

ՎՐԱՍՏԱՆ - ՀԱՅԱՍՏԱՆ

ԳԻՈՐԳԻ ՇԱՐՎԱՇԻՁԵ. «ՎՐԱՍՏԱՆԻ ՈՒ ՀԱՅԱՍՏԱՆԻ ՄԻՋԵՎ ԻՆՏԵՆՍԻՎ ՀԱՄԱԳՈՐԾԱԿՈՒԹՅՈՒՆ Է ԸՆԹԱՆՈՒՄ»



Հայաստանում Վրաստանի արտակարգ և լիազոր դեսպան Գիորգի Շարվաշիձեն հայտարարեց, որ Հայաստանի և Վրաստանի միջև շատ ինտենսիվ համագործակցություն է ընթանում, խաղաղ Կովկասի գաղափարը շատ հետաքրքիր է, այս ձեռնադրությունը մի շարք հանդիպումներ են կայացել, այդ թվում՝ վարչապետի գլխավորությամբ Թբիլիսիում կայացել է հանդիպում՝ վարչապետի մակարդակով:

Դեսպանի խոսքով՝ Վրաստանի և Հայաստանի հարաբերությունները դրական են զարգանում:

- Շատ լավ է, որ այս ամենի մեջ ներգրավված է նաև քաղաքացիական հասարակությունը: Շատ ինտենսիվ փոխանակում կա, մեր երկրորդ համագործակցությունը դրական է զարգանում: Փաստ է, որ մեր առևտուրն ավելացել է, այդ թվում՝ զբոսաշրջությունը, ավելի քան 700

հազար զբոսաշրջիկ է եկել Վրաստան: Սա պատմական առավելագույնն է: Վրաստանից Հայաստան զբոսաշրջիկների առավելագույն թիվը 180 հազար է: Սա դրական ցուցանիշ է և ցույց է տալիս, որ Վրաստանի դերը՝ որպես դերակատար, որպես խաղաղարար, աճում է Կովկասում, և սա դրական նշան է՝ երկար ժամանակով խաղաղ Կովկաս կառուցելու համար,- ասաց Գիորգի Շարվաշիձեն:

ԲԱԹՈՒՄԻ ՀԱՅԱՍՏԱՆԻ ՂԵՄԱՎՈՐ ՀՅՈՒՊԱՏՈՍԸ՝ ԳՈՒՐԻԱՅԻ ԵՐԿՐԱՄԱՍՈՒՄ



Բաթումիում Հայաստանի գլխավոր հյուպատոս Նարինե Մաթոսյանը այցելել է հյուպատոսական շրջանում ընդգրկված Գուրիայի տարածաշրջան:

Խավոր հյուպատոսը հանդիպում է ունեցել՝ Գուրիայի տարածաշրջանի պետական լիազոր-նահանգապետ Գիորգի Ուրուշաձեի և Օգուրգեթի մունիցիպալիտետի քաղաքապետի տեղակալ Գիորգի Ղուրջումելիձեի հետ:

Հանդիպմանը քննարկվել են վրաց-հայկական համագործակցության շրջանակում, Գուրիայի երկրամասի հետ Հայաստանի առևտրատնտեսական և մշակութային կապերի, Վրաստանի և Հայաստանի տարածաշրջանների և քաղաքների միջև ապակենտրոնացված համագործակցության ընդլայնման հնարավորությունները:

Բաթումիում Հայաստանի գլխավոր հյուպատոսության տարածած տեղեկատվության համաձայն, դեկտեմբերի 21-ին տեղի ունեցած այցի շրջանակներում, Գուրիայի տարածաշրջանային վարչական կենտրոն Օգուրգեթի քաղաքում գլ-

ՄԵՄԵԿ



ԷԼԵԿՏՐԱԷՆԵՐԳԻԱՅԻ ՍԱԿԱԳԻՆԸ ՆՎԱԶԵՑՎԵԼ Է 3 ԹԵԹՐԻՈՎ

Դեկտեմբերի 28-ին անցկացվեց Վրաստանի էներգետիկայի և ջրամատակարարման ազգային հանձնաժողովի (ՄԵՄԵԿ) բաց նիստը, որտեղ քննարկվեցին էլեկտրաէներգիայի և ջրի մատակարարման գրադվող ընկերությունների համար սպառողական գների հարցը:

Հանձնաժողովի կողմից ընդունված որոշմամբ՝ ինչպես մայրաքաղաքում, այնպես էլ Վրաստանի տարածաշրջաններում, կենցաղային և ոչ կենցաղային սպառողների համար՝ էլեկտրաէներգիայի սակագինը նվազեցվում է 3 թեթրիով: Նվազեցված սակագինը ուժի մեջ կմտնի 2024 թվականի հունվարի 1-ից և կգործի մինչև 2026 թվականի դեկտեմբերի 31-ը ներառյալ:

Էլեկտրաէներգիայի սպառողական սակագնի նվազեցման վրա ազդեցություն են գործել՝ Ինգուր3ԷԿ հիդրոէլեկտրակայանի վերանորոգման արդյունքում էժան էլեկտրաէներգիայի մասնաբաժնի ավելացումը ընդհանուր էներգետիկական զանքուղում, հիդրոլոգիական բարձր ցուցանիշները, ինչպես նաև՝ 2022-2023 թվականների ձմեռային ժամանակահատվածում ջերմակայանների կողմից մշակված էժան էլեկտրաէներգիայով ներկրվող էլեկտրաէներգիայի փոխարինումը:

Սահմանվեցին նաև «Ջորջիան ուոթեր Էնդ փաուեր» ՍՊԸ-ի ջրամատակարարման ծրագրային նոր սակագները: Անփոփոխ են մնացել սպառողական սակագները ինչպես առանց հաշվիչների (ըստ բնակչության շնչի), այնպես էլ՝ հաշվիչներով արձեցնողների համար: Այդ սակագինը տարածվում է Թբիլիսիի, Սցխեթայի և Ռուսթավի քաղաքների արձեցնողների վրա:

Ավելացվել է «Ջորջիան ուոթեր Էնդ փաուեր» ՍՊԸ-ի ոչ կենցաղային արձեցնողների սակագինը: Հանձնաժողովի որոշմամբ՝ Թբիլիսիի և Սցխեթա քաղաքներում ոչ կենցաղային նոր սակագինը սահմանվել է 8,807 լարի/խոր.մ.-ի, իսկ Ռուսթավի քաղաքում 6,500 լարի/խոր.մ.-ի համար: Ջրամատակարարման ընկերությունների համար սահմանված սակագինն ուժի մեջ կմտնի 2024 թվականի հունվարի 1-ից և կգործի մինչև 2026 թվականի դեկտեմբերի 31-ը ներառյալ:

ՎԱՐԿԱՆԻՇ

ԸՍՏ BLOOMBERG-Ի՝ ԲԻԶՆԱՍ ԻՎԱՆԻՇՎԻԼՈՒ ՈՒՆԵՑՎԱԾՔԸ ՀԱՍՆԵԼ Է 6,5 ՄԻԼԻԱՐԴ ԴՈԼԱՐԻ



Ամերիկյան Bloomberg Billionaires Index-ի տվյալների համաձայն, Վրաստանի նախկին վարչապետ, իշխող «Վրացական երազանք» կուսակցության հիմնադիր Բիծինա Իվանիշվիլու ունեցվածքը հասել է 6,5 միլիարդ դոլարի:

Ը ն թ ա ց ի կ տարվա սկզբից մինչև դեկտեմբերի 27-ը Իվանիշվիլու ունեցվածքն ավելացել է 950 միլիոն դոլարով 17 տոկոսով, և նա ներկայումս զբաղեցնում է 396-րդ տեղը: Bloomberg-ը նշում է, որ Իվանիշվիլ-

ին, 1990-ականներին, Ռուսաստանում գործում էր տարբեր ոլորտներում, այդ թվում՝ երկաթի հանքաքարի արտադրության, պողպատի գործարանների, բանկերի և անշարժ գույքի բնագավառներում: 2003-ից 2006 թվականներին նա վաճառել է իր ակտիվների մեծ մասը, իսկ մնացածը՝ 2012 թվականի հոկտեմբերին, նախքան Վրաստանի վարչապետ ընտրվելը: Վարչապետի պաշտոնը թողեց 2013 թվականին:

ԱՌՈՂՋԱՊԱՐԴՈՒԹՅՈՒՆ

ՋՈՒՐԱԲ ԱՅՐԱՇՎԻԼ. «ՈՒՌՈՒՋՔԱԲԱՆԱԿԱՆ ԱՆՏՈՐՈՇՄԱՍԲ ԲՈԼՈՐ ՀԻՎԱՆՂՆԵՐԻ ԼԻԱՐԺԵՔ ԲՈՒԺՈՒՄԸ ԿՖԻՆԱՆՍԱՎՈՐԻ ՊԵՏՈՒԹՅՈՒՆԸ»



Ինչպես հայտարարեց Վրաստանի առողջապահության նախարար Ջուրաբ Ազարաշվիլին, ցանկացած ուռուցքաբանական հիվանդ հնարավորություն ունի՝ լիարժեք բուժվել պետական ֆինանսավորմամբ:

Առողջապահության նախարարը խոսեց նաև մանկական ուռուցքաբանության մասին և պարզաբանեց, որ նշված ծրագիրն ընթացիկ ժամանակահատվածում զգալիորեն կբարելավի ինչպես արդյունքները, այնպես էլ՝ բժշկական ծառայությունների որակը:

- Հանրապետությունում մանկական ուռուցքաբանության ոլորտում խնդիրը շատ լուրջ էր: Դժգոհությունը զալիս էր ծնողներից՝ թե՛ կոնկրետ բուժաստատության, թե՛ բժիշկների նկատմամբ: Համակարգի ներդրումը շատ դժվար է, այն կապված է տարբեր բարձր որակավորում ունեցող բժիշկների, տեխնոլոգիաների և մեր ծրագրերի հետ: Ելնելով այն հանգամանքից, որ սա երկար գործընթաց է, մենք որոշում կայացրինք այս երեխաներին արտերկրում բուժում առաջարկել: Պետության ֆինանսավորմամբ՝ նրանք կկարողանան ավտորոշում և բուժում ստանալ Թուրքիայի, Իսրայելի և Իսպանիայի առաջատար կլինիկաներում: Երեք երկրներում էլ մոտ 30 երեխա է բուժվում,- ասաց Ջուրաբ Ազարաշվիլին:

Ինչ վերաբերում է ուռուցքաբանական վիրաբուժությանը, ապա, ըստ առողջապահության նախարարի, երկրի ողջ տարածքում, ուռուցքաբանական բոլոր հիվանդների համար, ֆինանսավորվելու են ինչպես պլանային, այնպես էլ՝ շտապ վիրահատությունները:

ԿԱՏԱ ԿԱՆԱՇ. «2024 ԹՎԱԿԱՆԻՆ ՔԱՂԱՔԱՊԵՏԱՐԱՆԸ ՀԱՐՅՈՒՐ ՏՈԿՈՍՈՎ ԿՖԻՆԱՆՍԱՎՈՐԻ ԿՐԺՔԱԳԵՂՉԻ ՔԱՂՅԵՂԻ ԲՈՒԺՄԱՆ ԾՐԱԳԻՐԸ»



Ինչպես հայտարարեց Թբիլիսիի քաղաքապետ Կատա Կանաշեն, մայրաքաղաքի քաղաքապետարանը, 2024 թվականի հունվարի 1-ից, կրճազեղծի քաղցկեղի բուժման ծրագրի բոլոր շահառուներին կտրամադրի 100 տոկոսանոց ֆինանսավորում:

- Ծրագրի շրջանակներում թանկարժեք դեղորայքը 100 տոկոսով ֆինանսավորվելու է ծրագրի բոլոր շահառուներին, ինչպես նաև սոցիալապես անապահով խավի հիմքում գտնվող քաղաքացիներին: Մինչ նշված փոփոխությունը՝ Առողջապահության և սոցիալական ծառայությունների քաղաքային ծառայությունը, սոցիալապես անապահով կարգավիճակ չունեցող անձանց ծրագրով մատուցվող ծառայությունները, ֆինանսավորել է միայն 80 տոկոսով, որոշ դեպքերում՝ 50 տոկոսով: Որոշումը զգալիորեն կթեթևացնի հիվանդների և նրանց ընտանիքների ֆինանսա-

կան բեռը,- ասաց Կատա Կանաշեն:

Ինչպես նշեց Կանաշեն, կրճազեղծի քաղցկեղի վաղ փուլի դեպքում Թբիլիսիի քաղաքապետարանը մեկ հիվանդի ֆինանսավորում է տարեկան առնվազն 21600 լարիով և առավելագույնը 61150 լարիով, իսկ մետաստազի ձեւի դեպքում՝ առնվազն 40500 լարիով և առավելագույնը 65340 լարիով:

ԳՆԻ ՎԵՐԻՆ ՇԵՄ Է ՍԱՀՄԱՆՎԵԼ ՍՎԵԼԻ ՔԱՆ 5000 ԴԵՂԱՄԻՋՈՑԻ ՀԱՄԱՐ

Վրաստանի առողջապահության նախարարության կողմից տարածված հաղորդագրության համաձայն, ընդլայնվել է այն դեղերի ցանկը, որոնց վրա գործում է տեղեկատու գինը: Գնային չեմ է սահմանվել, ընդհանուր առմամբ, ավելի քան 5000 դեղամիջոցի համար:

Գերատեսչության տվյալներով՝ այդ դեղերի նկատմամբ կիրառվել է նաև գնազույգման հղման մեխանիզմը, և դեղագործական ցանցերը ավելցուկային գին են սահմանել և՛ դրանք վաճառել ներմուծման գնից 1000, 2000 և 3000 տոկոսով քանակ:

Գնազույգման տեղեկանքային մեխանիզմը վերաբերում է քրոնիկ և ուռուցքաբանական դեղամիջոցներին, հակաբիոտիկներին, սիրտանոթային հիվանդությունների, հակաիստամինային, հակաբորբոքային, հոգեղեկատիկ, աղեստամոքսային տրակտի, ցավազրկող, հոգեմետ, հակավիրուսային և հակահելմինտիկ դեղամիջոցներին:

«Գնի վերին շեմին ենթակա դեղերի ցանկն աստիճանաբար ընդլայնվելու է: Բարեփոխումը նվազեցնում է դեղագործական ապրանքների գները միջինը 40 տոկոսով», - նշվում է հաղորդագրության մեջ:

ՄԻՍՈՆ ԿԻԼԱՉԵ